



UNIVERSITÄTS-  
BIBLIOTHEK  
PADERBORN

## **Antiquae Lectionis Tomus ...**

In Qvo XVI. Antiqua Monumenta Ad Historiam Mediae Aetatis Illustrandam,  
Nunquam Edita

**Canisius, Heinrich**

**Ingolstadii, 1601**

In Epistol. XXXII.

---

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)

Et genti Anglorum nunquam infidelis fui) *Verissima.*  
 Non inmemor compatriotarum, Imperatorem in amici-  
 tia eorum continere, inquit *VVillielm. Malmesbur. lib. 1. Regum*  
*Angl. cap. 3. qui Alcuini epistolam ad Offam citat:* Ego paratus  
 eram cum muneribus Caroli Regis ad vos venire, & ad pa-  
 triam reuerti; sed melius mihi visum est propter pacem  
 gentis meae in peregrinatione remanere. *Et paulo post citat*  
*etiam Alcuini epistolam ad Offam de nece Ethelredi:* Sciat vene-  
 randa dilectio vestra, quod Dominus Rex Carolus amabi-  
 liter & fideliter saepe locutus est mecum de vobis, & in eo  
 habetis fidelissimum amicum; ideo & vestrae dilectioni di-  
 gna dirigit munera, & per Episcopales Sedes regni vestri.  
 Similiter Ethelredo Regi & ad suas Episcoporum Sedes  
 dona direxit. *Sparsa esse quaedam dissensionum & odij semina inter*  
*Offam & Carolum M. quae Alcuino imputata sunt, quae etiam hac epi-*  
*stola à se amolitur, colligo ex epistola ipsius, quam citat VVillielm.*  
*Malmesbur. ibid. cap. 4.* Nescio, quid de nobis venturum sit;  
 aliquid enim dissensionis diabolico fomento inflammante,  
 nuper inter Regem Carolum & Regem Offam exortum  
 est, ita ut vtrinq; nauigatio interdicta negotiantibus cesset.  
 Sunt, qui dicant nos pro pace esse in illas partes mittendos.  
 Fides tamen cum Offa firmum Carolus sanctum seruauit, cuius fide-  
 rit exemplum lege apud *Malmesbur. ibid. c. 4. in fine.*

## IN EPISTOL. XXXIII.

[*Nm. s. non est nomen illius, ad quem haec epistola scripta sit. At col. 75.*  
*scimus esse ad Radonem Abbatem, cui vitam S. Vedasti Episcopi*  
*Alcuinus dedicauit, & hanc dedicatorem premisit: Quae extat tom. 1.*  
*Surij. die 6. Februarij. Patet ergo ex hac epistola error eorum, qui*  
*vitam S. Vedasti scriptam à Beda putarunt, sicut & vulgo habetur*  
*in 6. tomo Bede; cum Alcuinus auctor sit. Nisi quis dicat ab Alcuino*  
*vitam S. Vedasti tantum emendam esse, & à Beda scriptam: prae-*  
*sertim*

*fertim cum dicat: Vitam S. Vedasti, &c. emendare studui. In Suri editione talis est inscriptio: Dulcissimo dilectionis filio Radoni Abbati, humilis Leuita Albinus salutem.*

fol. 24.

Patris vestri) Colligo ex his verbis Radonem Abbatem fuisse monasterij S. Vedasti: quod anno 937. adhuc floruisse Frodoardus in Chronico testatur.

## IN EPISTOL. XXXIV.

fol. 78. v. 12.

Petro Archiepiscopo) Sed cuius hic Archiepiscopus? Mediolanensis, quem Panuin. quinquagesimum: Borrom. quinquagesimum secundum, & Carolo Magno percharum fuisse ait. Extat bria Petri, qui & Oldradus dictus est, epistola elegantissima ad Carolum M. de translatione S. Augustini Papiam anno 725. facta.

21. Altitudines alpium) Alpium meminit, quod ea inter Gallias, ubi Albinus agebat, & Italiam sita.

## IN EPISTOL. XXXV.

fol. 30.

Germano) Cuius hic Aquila Antistes? Iuuauensis. Illidem quem epist. 20. ad Iuuauenses, germanum suum appellat. Pro patri, Aquila, Pontifici, germano meo, pastori vestro.

## IN EPISTOL. XXXVI.

fol. 22.

Filio meo Alta Petra) Reperio in diuisione Ludouici & Caroli. Altam Petram, nomen loci, post S. Ursam in Saledoro, & Grandiualem.

fol. 83. v. 4.

Ad imaliciu) forte legendum; ad iudicium.

## IN EPISTOL. XXXVIII.

fol. 87. v. 15.

Pompaticis carnem induis vestimentis) Eum, quem Alcuinus hic ob affectatum vestium splendorem, reprehendit fuisse Clericum. patet ex his verbis: Tu sacri altaris minister; tu summi honoris socius. Audiamus Sidonium nitorem cultus in Ecclesiastica